

ԱՂԱՎՆԻ ԺԱՄԿՈՉՅԱՆ
Պարմական գիր. թեկնածու

ԱՐՅԱՆՅԱՆ ՆՈՐԱՏԱՅՏ ՄԻ ՎԱՎԵՐԱԳԻՐ ԻՍՐԱՅԵԼ
ՆԱԿԱԹՈՒ ԿԱԹՈՂԻԿՈՍԻ ՄԱՍԻՆ

ԺԸ դ. կեսերին Դիզակի հմուտ դիվանագետ ու գորավար Մելիք Եզանը Նադիր Շահի (իշխել է 1735-1747 թթ.) հովանավորությունից օգտվելով՝ համախմբեց Արցախի Գյուլիստան, Վարանդա, Խաչեն ու Ջրաբերդ գավառների մելիքներին և ստեղծեց Մահալ-Ե-Խամսե «Խամսայի մելիքություն» վարչա-փոստական ու քաղաքական միավորը¹, որն իր գոյության ընթացքում դարձավ Արցախում հայ ժողովրդի ինքնության խորհրդանիշներից մեկը:

Սակայն նրա մահից հետո՝ 1744 թվականին, ազգապահպան մրաժողոթյամբ ձևավորված կարևոր այդ կառույցն աստիճանաբար փլուզվեց և առաջին ճեղքն իրականացավ Վարանդա գավառի Մելիք Շահնազարի կողմից: Դավաճանելով իր ուխտին՝ նա միավորվեց ջիվանշիրցի (ցեղանուն) Փանահին և ողջ փարաժաշրջանին փրկելու սկսկալիքով՝ կազմակերպեց խարդավանքների գործը մի ցանց, սեպ խրեց ազգածին այդ արժեքին ու նպաստեց դրա աստիճանական քայքայմանը:

Ավարապիրական բովանդակությամբ ու ազգային գիտակցությամբ օժտված «շղթայից» պոկված հաջորդ օղակն եղավ Խաչենը: Այդ գավառի Խրնձեռիստան գյուղի կառավարիչ Միրզա խանը, գայթակղվելով Մելիք Շահնազարի առար խոսքումներով (նրան պիտի վստահվեր ողջ գավառի փնտրիչությունը), խարդախությամբ գոհեց Ալլահվերդի Մելիքին:

Թշնամուն դեմ առ դեմ մնացին Գյուլիստանի, Ջրաբերդի, Դիզակի մելիքությունները և եթե առաջին գավառները հարակից փարաժքներ էին, ապա Դիզակը, գտնվելով երկրի հարավում, փազնապների պարագային ռազմավարական և այլ խնդիրներ լուծելիս բախվում էր հաղորդակցման դժվարությունների: Մասամբ այս հանգամանքով պայմանավորվեց մելիքների ուժային կարողությունների ջլաբումը, փարաժաշրջանի մասնաբաժնի, որն իր հերթին հասցրեց անկախության կորստին:

ԺԸ դ. կեսերից մինչև ԺԹ դ. սկիզբը Արցախն ընդգրկված էր Պարսկաստանի Աղա-Մուհամմադ, Իբրահիմ խաների և Ռուսաստանի միջև փարաժքների բռնագավթման համար իրականացվող ռազմարշավների ոլորտը: Ռազմական այդ անցքերի մանրամասները լուսաբանված են համապատասխան գրականության էջերում²:

1 Տե՛ս «Նայ ժողովրդի պարմություն», հ. 4, Երևան, 1972, էջ 186:

2 Տե՛ս **Мирза Алигезал-бек**, Карабаг наме, Баку, 1950, **Бутков**, Материалы для новой истории Кавказа с 1722 по 1803, часть 2, СПб, 1869, **Լևո**, Խամսայի կործանումը, Երկերի ժողովածու, հ. 3, Երևան,

Արցախում արդեն հաստատված Փանահը՝ ԺԸ դ. կեսերին, եւ նրա որդին՝ նույն դարի 60-ականներից մինչեւ ԺԹ դ. սկզբները ներքին եւ արտաքին խնդիրներ լուծելիս հարկադրված էին ապավինել՝ թեկուզ քաղաքականապես թուլացած, բայց փակավին իրենց կենսունակությունը պահպանած հայ մելիքների գինված ուժերին եւ ընդդիմադիր հարձակողական գործընթացների ժամանակ դիմում էին նրանց օգնությանը: Պահպանված փաստաթղթերից մեկում հիշարակվում է, որ հայերի ռազմական ուժերը ԺԸ դ. հասնում էին 4500, իսկ ջիվանշիրցիներինը (բռզվոր ցեղերինը)՝ 2500, բայց քանի որ հայերը միասնական չէին, ջիվանշիրցիները նրանց ենթարկում են³:

Արցախի մելիքների օժանդակությունը զգալի է եղել նաեւ 80-90-ականներին, Աղա Մուհամմադ խանի կողմից Շուշի բերդաքաղաքի պաշարման ժամանակ. «Ղարաբաղի հեծյալ եւ հերիտքն գնդերը, ցեղերի եւ գյուղացիների առաջնորդները, Վարանդայի, Դիզակի եւ Խաչենի մահալների մելիքները մանր ջոկատներով հարձակվում են դըզլըբաշ գործի վրա, խլում նրանց ձիերն ու գրասպները, կողոպտում պարսկական գործքին հացահատիկ հասցնող քարավանները»⁴: Հայ մելիքների ռազմական գործունեության մասին հիշարակություն կա նաեւ Նախիջևանում՝ 1791 թ. Իբրահիմ խանի իրականացրած ռազմարշավի առնչությամբ: Տեղի Բյալբալայի խանի դեմ մղվող մարտերի ժամանակ կրած անհաջողությունից հետո «Իբրահիմ խանը, որն իր անկանոն հերետակագործը Ղարաբաղում էր թողել, ճարահաարյալ մարդ է ուղարկում մելիքների եւ յուզբաշների մոտ եւ վերադարձի հրաման փախիս»⁵:

Ասվածին հավելենք, որ Փանահն ու նրա որդի Իբրահիմը շինարարական աշխատանքներ իրագործելիս խելամպորեն օգտագործում էին նաեւ Արցախի բնակչության ֆիզիկական կարողությունները: Այսպես, օրինակ, երբ 1789 թ. Հարավային Կովկասին փորելու համար Ռուսաստանի եւ Պարսկաստանի հակամարտությունն առկա էր, Իբրահիմ խանը Շուշի բերդի ամրացման նպատակով մելիքներից պահանջեց 100-ական մարդ եւ քանդելով հին պարիսպները՝ «հայ հմուտ վարպետների նախագծով կառուցեց ավելի ամուր եւ բարեշեն պարիսպներ»⁶:

Արցախի բնակչությունը Իբրահիմին մեծ նպաստ բերեց եւ Աղա-Մուհամմեդ խանի կողմից Շուշի բերդի պաշարման ժամանակ: Տեղանքի աշխարհագրական դիրքի փայլուն խնամքության շնորհիվ՝ բերդի ժողովուրդը ոչ միայն ապաստանեց բերդի շրջակա քարայրներում, այլեւ դրանցից մեկում թաքցրեց Իբրահիմ խանի զանձերը⁷: Սա վկայում է, որ համընդհանուր պայքարի պահին, թեկուզ եւ առե-

1973, էջ 328-383:

3 Տե՛ս «Грамоты и другие исторические документы относящиеся Грузии», т. 2, часть I, СПб, 1891, էջ 434:

4 **Мирза Джемал Джеваншир**. История Карабага, Баку, 1959, с.80.

5 **Միրզա Յուզուֆ Ներսեսով**, Թարիխ-ե-Սաֆի, Կեկելիձեի անվան ձեռագրերի ինստիտուտ (պարսկ. ձեռ.), էջ 91(ա):

6 «Армяно-русские отношения», т.4, стр.252, Ереван.1990.

7 **Տ. Զարարեանց**, Պարմութիւն գառափն Արցախու, Մաշտոցի անվան Մատենադարան, ձեռ. 2734, էջ 6:

րես, արցախահայության և Իբրահիմի միջև կար փոխըմբռնման և վստահության որոշ մթնոլորտ:

Խամսայի մելիքության պարմության վերաբերյալ հայկական աղբյուրներից, հիմնականում, շրջանառվում են Րաֆֆու և Լեոյի աշխատությունները,⁸ որոնք գրված են ժամանակին պահպանված հրամանների, հրովարտականների, բանահյուսական նյութերի և այլ կարգի վավերագրերի հիման վրա: Իբրեւ պարմագիտական աղբյուր վիճաբանների վերծանությունների առաջնեկ ուսումնասիրողներն են եղել Խաչիկ Դադյանն ու Մակար Բարխուդարյանը⁹:

Վերջերս Արցախի այս կամ այն հիմնախնդիրների վերլուծություններին են անդրադարձել Ք. Կոստիկյանը¹⁰, Ա. Մաղալյանը¹¹:

Արժեքավոր է Մելիք Եզանյաններին նվիրված ուսումնասիրությունը¹², որը սկզբնաղբյուրների և բանահյուսական նյութերի արադձով լուսաբանում է Դիգակի Մելիքության ողջ պարմությունը, նոր ժամանակների անցքերի հավելումով: Նակաթոռ Կաթողիկոս Իսրայելի գործունեությունը, որ բուն թեմայի առանցքն է, ժամանակագրորեն համընկնում է ԺԸ դ. կեսերից ԺԹ դ. սկզբների իրադարձություններին, բայց դրանք շարադրանքում փրկված են թռուցիկ անցումներով և պարմական իրողությունների վերլուծությունները հիմնականում ճշգրտված են Րաֆֆու և Լեոյի աշխատությունների հենքով: Ի դեպ, Արցախի պարմության այդ փուլը լծորդված էր ոչ միայն արարաքին գործոններով, այլև ներքին՝ ներպետական ու հոգևոր պայքարի լուրջ խնդիրներով: Եթե պարսիկները արարաքին բացահայտ թշնամիներն էին, ապա երկրի ներսում ձևավորված իրարամերժ խմբավորումները, որոնց թիկունքում կային արարաքին գործող ուժեր, իրենց ոլորտն էին ընդգրկել նաև հոգևորականությանը, որի մի մասը, ելնելով օգրապաշտ, անձնական մղումներից ընդունեց ապագային կեցվածք: Այդպիսին էր եպիսկոպոս Իսրայել հակաթոռ Կաթողիկոսը:

Արցախում հակաթոռ կաթողիկոսություն երևույթը սկզբնավորվեց 1651 թվականից, երբ Ջրաբերդ գավառի Խոսրոաշեն գյուղից մի քահանա Մռավ լեռան մոտ կառուցեց Երիցմանկանց վանքը և իրեն հռչակեց Կաթողիկոս: Նրան հաջորդեց Ներսեսը, որն իր մահկանացուն կնքեց 1763 թ., բայց մինչ այդ, հակառակ Էջմիածնի հրահանգի, որն արգելում էր ազգականներին ժառանգաբար պաշտոնավարել, նա հասցրեց իր եղբորորդի եպիսկոպոս Իսրայելին Կաթողիկոս հռչակել: Վերջինս գահակալեց ոչ թե Երիցմանկանց վանքում, այլ Գանձակում և հովանավորվեց սկզբում Շահվերդի, ապա նրա որդի Ջավադ խաների կողմից: Միաժամանակ (1762 թ.) Շուշիի կառավարիչ նշանակվեց Պարսկաս-

8 Րաֆֆի, Խամսայի մելիքություններ, հ. 9, Երևան, 1987, էջ 417-649, Լեո, նշվ. աշխ.:

9 Խ. Դադյանի վերծանությունները պահվում են Մարենադարանի ֆոնդերում, ՆԴԴԿԱ, ֆ. 319, ց. 1, գործ 107, էջ 27: Բարխուդարյանց, Աղոտանից երկիր և դրացիք, Արցախ, 1999:

10 Ք. Կոստիկյան, Ղարաբաղի XVIII դ. պարմությունը ըստ Միլլա Ներսեսովի «Մարիխ-Ե սաֆի»-ի, Երևան, 2001:

11 Ա. Մաղալյան, Վարանդայի մելիքությունները XVII-XVIII դդ., Երևան, 2005:

12 Գ. Աթայան, Տոլ Բերդաբադաքի պարմությունը, Երևան, 2010:

տանի խորամանկ դիվանագիտության զինանոցում կրթված Փանահի որդի Իբրահիմը, որը հարկ եղած դեպքում օգտագործում էր հայ մելիքների նյութական ու զինական հնարավորությունները: Արդյունքում ջլապեց նրանց ուժերն ու դաժան հարված հասցրեց նրանց հայանպասք գործունեությանը:

Իսրայելի՝ Գանձակը նստոց դարձնելու նպատակահարմարությունը կապված էր Նադիր Շահի մահից հետո, ի թիվս այլ կազմավորումների, այդ զավառի ձեռք բերած անկախության կարգավիճակով¹³, եւ երբ 1762 թ. Իբրահիմը Վարանդայի կառավարչի պաշտոնն ստանձնեց, երկու զավառների հարաբերությունները թշնամական էին:

Իբրահիմը ձգտում էր հոր՝ Փանահի գործն ավարտին հասցնել՝ կազմալուծել մելիքությունները, Կեր դառնալ ողջ Արցախին ու կայուն տեղ զբաղեցնել Նարավային Կովկասի տարածաշրջանում: Սակայն քաղաքական զարգացումներով պայմանավորված՝ նա հարկադրված էր մասնակիցը լինել մելիքների ներպետական բարդ պայքարին, անմիջական առճակատման գնալ Մուհամմեդ խան Ղաջարի ռազմարշավների ու դիվանագիտական խաղերով Ռուսաստանին հեռու պահել տարածաշրջանից:

Աղբյուրները բացատրություն չունեն, թե ինչո՞ւ Իսրայելը իր նստավայրը դարձրեց Գանձակը, այլ ոչ Երիցմանկանց վանքը: Թերեւս, տրամաբանական է մտածել, որ նա այդ քայլով փորձում էր Դերբենդի, Շիրվանի, Շենախիի, Շաքիի եւ Բաքվի հայկական թեմերի հասույթներին, միաժամանակ՝ Գանձասարում Կաթողիկոս ընտրելու համընդհանուր պահանջմունքից ելնելով, խուսափում Իբրահիմի հետապնդումներից:

Գանձասարում Կաթողիկոս օժելու անհրաժեշտությունը ոչ միայն ժողովրդի, այլև Իբրահիմի ցանկությունն էր: Իսկ երկրում հոգևոր հենարան ունենալը Իբրահիմի գործունեության առաջնահերթ խնդիրներից մեկն էր եւ նրա կրոնական հանդուրժողականություն ցուցաբերելու հանգամանքը՝ միանգամայն ըմբռնելի: 1793 թվականին Էջմիածին մեկնող արցախահայերի 50 հոգիանոց հանձնախմբին նա իր կողմից կնքված փաստաթղթով հորդորեց Սիմոն Երևանցի Կաթողիկոսին Նովհաննեսին օժել Գանձասարի Կաթողիկոս: Սակայն առաջինի փորձն անցավ անհաջող¹⁴: Երեք տարվա պայքարից հետո, երբ երկրում հոգևոր խաղաղության համար անգամ Նովհաննեսը համաձայնեց ընդունել Իսրայելի կաթողիկոսական կարգավիճակը ու մերժում ստացավ Իսրայելից, Սիմոն Երևանցին համաձայնեց Նովհաննեսին օժել Կաթողիկոս: Այնուհետև Թիֆլիսի Զաքարյա եպիսկոպոսի ուղեկցությամբ նրան Կաթողիկոսի օրինավոր փոփոխություն ուղարկեց Գանձասար:

ԺԸ դ. 90-ական թվականներին Արցախում տեղի ունեցող քաղաքական բարդ անցքերը¹⁵ թուլացրել էին մելիքների նյութական ու զինական կարողությունները:

¹³ Տե՛ս **П. Петрушевский**, Очерки феодальных отношений в Азербайджане и Армении, Л., 1943, էջ 86:

¹⁴ Տե՛ս **Միսէլոն Երևանցի**, Ջամբո, ի Վաղարշապատ, 1873, էջ 89-91:

¹⁵ **Լեո**, նշվ. աշխ.:

րը, առաջացել էին նոր մելիքներ, որոնց մի մասը ծառայում էր Իբրահիմին: Այսպես Վարանդայի մելիք Շահնազարին փոխարինեց որդին՝ Ջումշուդը, Խաչենում Միրզախանին՝ որդին՝ Ալլահվերդին եւ այլն:

Իսկ տակավին հայկական կենսունակություն պահպանած մյուս մելիքները՝ Մեծլումը (Ջրաբերդ), Աբովը (Գյուլիստան) եւ Բախսամը (Դիզակ), հույս կապելով Ռուսաստանին՝ որոնում էին ազատագրական պայքարի նոր ուղիներ: Խնդրի քննարկման մտավոր օջախ դարձավ Գանձասարը, ուր Նովհաննես Կաթողիկոսի գլխավորությամբ հավաքվեցին երկրի առողջ ուժերն ու կազմեցին Ռուսաստանին ուղարկվելիք աղերսագիրը: 1785 թ. այն պիտի ուղարկվեր Գանձակ՝ Իսրայել Կաթողիկոսի ստորագրությամբ վավերացվելու համար: Ի դեպ, այդ ընթացքում Իսրայելի եւ Նովհաննեսի հարաբերությունները կայունացել էին եւ կար փոխադարձ վստահության մթնոլորտ:

Սակայն Գանձասարի ժողովի մասնակից Ալլահ Ղուլի Բեկը Իբրահիմին է հայտնում ոչ միայն աղերսագրի մանրամասները, այլեւ դրանց գտնվելու վայրը՝ Գանձակ, որտեղից սուրհանդակի միջոցով պիտի հասցվեր Թիֆլիս, ապա՝ Ռուսաստան:

Ամմիջապես կողմնորոշվելով՝ Իբրահիմը Իսրայելին համայն Արցախի Կաթողիկոս նշանակելու շահագրգռությամբ, ձեռք է բերում փաստաթղթերն ու իր մոտ հրավիրելով Նովհաննես Կաթողիկոսին, մելիքներ Մեծլումին, Աբովին ու Բախսամին՝ դաժան հաշվեհարդար իրագործում նրանց դեմ: Նովհաննես Կաթողիկոսին 1786 թ. բանտում թունավորում են, Բախսամին աքսորում Պարսկաստան, իսկ Աբովն ու Մեծլումը հնարով փախչում են բանտից: Այս դեպքերից հետո 1787 թ. Խամսայի մելիքությունը փաստորեն կազմալուծվեց: Մելիք Մեծլումի եւ Աբովի պայքարը Արցախում նախկին քաղաքական կարգավիճակը վերականգնելու համար՝ անցավ ապարդյուն:

Այսպիսով, շահագրգիռ իշխող կարգավիճակ ձեռք բերելու համար տեղի ղեկավարության ներպետական ձգտումը եւ Նարավային Կովկասի աշխարհաքաղաքական բեկումնային գործընթացների մեկնարկը 80-ական թվականներից սկսած պայմանավորված էր Պարսկաստանի, Աղա-Մուհամմադ խանի, Ռուսաստանի եւ Իբրահիմի միջեւ տարվող պայքարով, Արցախում սրելովեց քառսային միավիճակ, որն ուղեկցվում էր սովի ու համաճարակների աննախադեպ ծավալով: Այս ամենից ժողովուրդը կորցրեց հասարակական հողն ու հուսախաբությունից դիմեց զանգվածային արտագաղթի՝ տեղի տալով Արցախում այլադավան էթնոսի արմատականմանը:

Իսկ այդ ժամանակաշրջանում Իսրայել Կաթողիկոսը կարողացավ բարձրացնել իր վարկանիշը եւ առանց Էջմիածնի դրական լիցքերի, ստացավ համայն Արցախի Կաթողիկոսի տիտղոսը, բազմելով ոչ թե Գանձակում, այլ Ամարասում, ուր այդ տարիներին շինարարական մեծ աշխատանքներ էր ծավալում Մելիք Շահնազարը: Այսպիսով, նա դարձավ Մելիք Շահնազարի խորհրդականը եւ Իբրահիմի գործերի վստահելի անձը:

Այս իրողությունը հաստատվում է Մելիք Շահնազարի կրակի բովանդակությամբ¹⁶: Այն գրված է 1792 թ., կազմվել է Իսրայել Կաթողիկոսի կողմից Սիմեոն, Մելիքսեթ և Օհան վարդապետների ներկայությամբ, որում դրսևորված է Իսրայելի համակրանքը Մելիք Շահնազարի ավագ որդու՝ Ջումշուդի հանդեպ, մի մարդու, որը վերջում դարձավ Իբրահիմի համակիրը:

Նավելենք, որ մեր փրամադրության փակ եղած վավերագիր հիշատակարանը պահվում է Ժնևում՝ Ռուդոլֆ և Ալիսոն Կարապետյանների անհատական հավաքածոյում¹⁷: Հիշատակարանն ունի մի բովանդակալից առաջաբան-գրություն, որը հետաքրքիր փոփոխություններ է հաղորդում Իսրայել Կաթողիկոսի մասին:

Գրության բնագիրը հետևյալն է.

«Յիշատակ է, զի է գրութիսնս յայսմիկ գրեան զի սրբազան հայրն Տիառն միառեւմտեան երկրին Ադուանից Իսրայել Կաթողիկոսն ի նահանկէ ճարարերդու (Ջարարերդ - Ա.Ժ.) գոյով որդի Ապրէքս իշխանի ի մեծ սեռէ, եղբորորդի եղեալ Ներսիսի մշտակրօն: Նա յոքէ (!) երեսացաւ ի սմանէ հայրապետեանդ Ռ-ՉԿԸ (1762) և վարեաց ի իս (40) և և (5) ամն նշանաւոր և զսեփք, ծերացեալ և զի աւուարինք (աւարի ենթարկվեցինք -Ա.Ժ.) և կցորդեալ ըստ կենացն, և եղբայրն զկնի իսր հրաշալի Կաթողիկոս ինքն վախճանեալ զնաց առ Քրիստոս խաղաղական կենօք ի թուականին Ռ-ՄԾԷ (1808), յամսեանն յուլիսի Զ (6): Ադաճեմք հանդիպօղի զոցա յիշել առ Քրիստոս փառք: Յիշեալ լիջիք ի Քրիստոսէ. ամէն»:

Այս հակիրճ գրության էությունն այն է, որ Իսրայել Կաթողիկոսը (1763-1808) եղել է Երիցմանկանց վանքի առաջնորդը (թեպետ նախել է Գանձակում), ավարի է ենթարկվել (թերևս ռուս-պարսկական ընդհարումների ժամանակ), զսեփալել է 40 փարի և 5 ամիս ու ամենակարեւորն այն է, որ իրեն համարում է օրինավոր Կաթողիկոս:

ԺԹ դ. սկզբներին Արցախում շարունակում էին գոյապելել երկու հակաթոռ կաթողիկոսություններ. մեկը՝ Սիմեոնի գլխավորությամբ Երիցմանկանց վանքում, մյուսը՝ Իսրայելի գլխավորությամբ Ամարասում: Իսրայելը վախճանվեց 1808 թվականին:

ԺԹ դ. սկզբներին Արցախը արդեն կորցրել էր ոչ միայն մելիքական հզոր առաջնորդների վերջին մոհիկաններին, դադարել էր նաև հոգևոր կենտրոն Գանձասարի գործունեությունը: Վերջին Կաթողիկոս Սարգիսը չճանաչվեց Էջմիածնի կողմից ու, հաստատվելով Վրաստանում՝ դարձավ սոսկ Նաղբար վանքի շարքային մի հոգևորական:

¹⁶ Տե՛ս **Լևոն**, նշվ. աշխ., էջ 376-377:

¹⁷ Այն հրապարակվում է առաջին անգամ: